



KEMENTERIAN PELANCONGAN, SENI DAN BUDAYA

GARIS PANDUAN PERMOHONAN PEMBAHARUAN LESEN PEMANDU PELANCONG SELAM SKUBA (*DIVE GUIDE*)

1. SYARAT-SYARAT PERMOHONAN

- 1.1. Permohonan pembaharuan lesen hendaklah dikemukakan kepada Pesuruhjaya Pelancongan dalam tempoh sekurang-kurangnya tiga puluh (30) hari, tetapi tidak lebih daripada enam puluh (60) hari sebelum tempoh sah laku lesen berakhir.
- 1.2. Pemandu Pelancong Selam Skuba (*Dive Guide*) perlu menghadiri kursus *Continuing Tourism Related Education* (CTRE) yang dikendalikan oleh mana-mana badan yang diberi kuasa secara bertulis oleh Pesuruhjaya Pelancongan atau Kementerian Pelancongan, Seni dan Budaya (MOTAC) atau menghadiri program anjuran MOTAC yang diperakukan sebagai CTRE oleh Bahagian Pembangunan Industri, MOTAC.
- 1.3. Pemandu Pelancong perlu kekal menjadi ahli kepada mana-mana Persatuan Pemandu Pelancong.
- 1.4. Pemandu Pelancong hendaklah mengembalikan lesen yang telah tamat tempoh semasa tuntutan lesen baharu dalam tempoh masa 14 hari.
- 1.5. Tempoh lesen yang diperbaharui adalah bagi tempoh satu (1) hingga tiga (3) tahun.
- 1.6. Mempunyai sijil daripada organisasi latihan selam skuba (diiktiraf antarabangsa) yang sah dan belum tamat tempoh bagi tahap DIVE Master (DM) atau DIVE Instructor (DI) yang telah diperbaharui. Organisasi latihan skuba hendaklah berdaftar dan beroperasi di Malaysia. Minimum pensijilan selam skuba adalah Dive Master.

Nota:

Pemandu pelancong selam skuba (*dive guide*) perlu mengemukakan dokumen pembaharuan sijil dari organisasi latihan selam skuba pada setiap tahun (setiap bulan Januari). Kegagalan berbuat demikian boleh menyebabkan lesen pemandu pelancong tidak diperbaharu atau dibatalkan.

- 1.7. Pemohon hendaklah dilantik/bernaung/bekerja dengan Pusat Selam Skuba (*Dive Center*) yang memiliki lesen Pengendalian Pelancongan dan Agensi Pengembaraan (TOBTAB) yang sah di bawah MOTAC.

- 1.8. Pengesahan kesihatan oleh pengamal perubatan bertauliah berhubung keadaan fizikal dan perubatan seseorang yang sesuai serta selamat untuk menjalankan aktiviti selaman.
- 1.9. Sijil Tindak Balas Pertama Kecemasan/*Emergency First Response* (EFR) diperbaharui setiap dua tahun dan mengemukakan dokumen berkaitan kepada MOTAC.

2. DOKUMEN SOKONGAN

- 2.1. Gambar berwarna berukuran pasport yang terkini (latar belakang putih).
- 2.2. Salinan resit bayaran keahlian persatuan pemandu pelancong.
- 2.3. Salinan kad kuasa pemandu pelancong sedia ada.
- 2.4. Saliinan sijil organisasi latihan selam skuba (diiktiraf antarabangsa) yang sah dan belum tamat tempoh bagi tahap DIVE Master (DM) atau DIVE Instructor (DI) yang telah diperbaharui.
- 2.5. Surat lantikan rasmi/kontrak perkhidmatan/perjanjian kerja/surat pengesahan perkhidmatan daripada Pusat Selam Skuba (*Dive Center*) yang memiliki lesen Pengendalian Pelancongan dan Agensi Pengembaraan (TOBTAB) yang sah di bawah MOTAC.
- 2.6. Salinan pengesahan kesihatan oleh pengamal perubatan bertauliah berhubung keadaan fizikal dan perubatan seseorang yang sesuai serta selamat untuk menjalankan aktiviti selaman.
- 2.7. Dokumen pembaharuan Sijil Tindak Balas Pertama Kecemasan/*Emergency First Response* (EFR) yang masih sah tempoh.
- 2.8. Salinan Sijil Kursus CTRE yang perlu dikemukakan.

| TEMPOH PEMBAHARUAN LESEN | BILANGAN CTRE YANG PERLU HADIR |
|-----------------------------|-----------------------------------|
| 1 Tahun | 2 modul |
| 2 Tahun | 4 modul |
| 3 Tahun | 6 modul |

Nota:

- i. Sijil CTRE yang dikemukakan adalah yang terkini atau tidak melebihi tempoh 3 tahun daripada tarikh sijil CTRE; dan
- ii. Sijil CTRE yang dikemukakan hendaklah mempunyai tajuk dan kod berbeza yang telah mendapat kelulusan MOTAC.

3. TATACARA PERMOHONAN

- 3.1. Permohonan hendaklah dibuat secara dalam talian melalui sistem *Tourism Licensing & Enforcement System* (TOURLIST) di laman sesawang www.tourlist.gov.my.
- 3.2. Semua dokumen seperti dinyatakan di perenggan 2 hendaklah dimuatnaik ke dalam TOURLIST.
- 3.3. Pemohon perlu menyelesaikan urusan bayaran, serahan dan cetakan lesen dalam tempoh 30 hari dari tarikh pemakluman kelulusan pembaharuan lesen. Sekiranya Pemandu Pelancong berkenaan gagal menyelesaikan urusan tersebut dalam tempoh yang ditetapkan, kelulusan adalah terbatal dan permohonan pembaharuan baharu hendaklah dibuat

4. FI YANG PERLU DIBAYAR

- 4.1. **Fi pemprosesan** sebanyak **RM5.00** dikenakan bagi setiap permohonan. Bayaran boleh dibuat dalam bentuk Bank Deraf/Kiriman Wang atas nama Pesuruhjaya Pelancongan atau bayaran secara dalam talian www.tourlist.gov.my.
- 4.2. **Fi lesen** sebanyak **RM50.00 (setahun)** hendaklah dikemukakan apabila permohonan diluluskan dalam bentuk Bank Deraf/Kiriman Wang nama Pesuruhjaya Pelancongan atau bayaran secara dalam talian di www.tourlist.gov.my.

Nota:

Nama pemohon, nombor kad pengenalan dan nombor telefon hendaklah ditulis dengan terang dan jelas di belakang Bank Deraf/Kiriman Wang/Wang Pos berkenaan.

5. PIAGAM KELULUSAN

5 hari bekerja apabila bayaran fi pemprosesan telah dibayar serta permohonan lengkap, teratur dan sempurna diterima daripada pemohon kepada Pejabat MOTAC Negeri.

6. SYARAT DAN TERMA LESEN

- 6.1 Tempoh sah lesen adalah satu (1) hingga tiga (3) tahun dari tarikh kelulusan.
- 6.2 Kawasan pemanduan Pemandu Pelancong Selam Skuba adalah di seluruh perairan laut Malaysia, tertakluk kepada kawasan yang dibenarkan atau diluluskan oleh pihak berkuasa berkenaan.

- 6.3 Skop aktiviti Pemandu Pelancong Selam Skuba yang dibenarkan adalah snorkeling, selam skuba rekreasi (*leisure dive*) dan *discovery scuba dive*.
- 6.4 Pemandu Pelancong Selam Skuba (*Dive Guide*) hendaklah memastikan:
- (a) Jumlah pelancong maksimum yang boleh diuruskan bagi satu-satu masa adalah enam (6) orang pelancong.
 - (b) Syarikat TOBTAB berlesen yang menjual pakej selam skuba digalakkan untuk menasihati serta menggalakkan setiap pelancong yang menyertai aktiviti selam skuba supaya mendapatkan perlindungan insurans yang menyeluruh, yang merangkumi segala aspek berkaitan aktiviti tersebut termasuk kecemasan, rawatan penyakit yang berkaitan dengan selaman dan kematian.
 - (c) Hanya pelancong yang mempunyai sijil selam skuba yang sah dan belum tamat tempoh dibenarkan menjalankan aktiviti selam skuba rekreasi (*leisure dive*). Tahap minimum sijil selam skuba bagi pelancong yang dibawa oleh Dive Master bagi tujuan *leisure dive* ialah pensijilan Scuba Diver.
 - (d) Peralatan selam skuba dalam keadaan selamat dan sesuai digunakan serta telah diaudit/semak oleh pihak bertauliah.
 - (e) Pemandu pelancong selam skuba (*dive guide*) perlu mengemukakan dokumen pembaharuan sijil dari organisasi latihan selam skuba pada setiap tahun (setiap bulan Januari). Kegagalan berbuat demikian boleh menyebabkan lesen pemandu pelancong tidak diperbaharu atau dibatalkan.
 - (f) Memperbaharui sijil Tindak Balas Pertama Kecemasan/Emergency First Response (EFR) setiap dua tahun dan mengemukakan dokumen berkaitan kepada MOTAC.

7. TARIKH KUAT KUASA

Garis Panduan ini adalah berkuat kuasa mulai **15 April 2026**.